

# **Titusla Paului Chagđis.**

## **Titusla Paului chagđissi skor.**

I chagđispo Yeshui skutshabs Paului, riṭa tsholirjnika borkhan Titusla dia dzadte innog. Titus, Paulu gyudte tadpe nañja yonkhan, Yeshui skorla gamoe nastshul khyebsshugcessi nañja las cokhan, khonji ṭopa inpin.

Paulu tan Titus, riṭala sjunla sonje inpin. Teru papului chosshadcespoe migun tadpe nañja yors. Paului Titus te tadpacangunla tshircugcessi nañja yato cocesla teru borte sorjin. Ta khonji i chagđispo Titusla, khoa gyabgal cokhangunni gyabgalla rogs cocesla, dia dzads. Khonji Titusla Mashikapagun thidcessi khonrañji wañ salte khoa gyabgal cokhangun nyampo kazuggi del cocessi labzha salla dzads. Paului Mashikape tadpa tan Mashikape mitshezhig phudcessi labzha, yan Titusla teru yodkhanni zusme lobbongunne shan cocesla, dia dzads.

Paului i chagđispo, Yeshu ṭonjste sontea zhanste stiñne lo 30 ne 32 nyekhorla dia dzadkhanbo, gyus chanog..

## **Paului chogsne ju.**

**1:1 ne 4**

**1** <sup>1</sup> I igebo ḥa Paului chogsne in. Da ni Konchoggi zhabstogpa tan Tsoo Yeshu mashike skutshabs in. Konchoggi Idamma dzadkhangunla, mashike nañja idshes cocespo shadces tan Konchoggi lammika ḫulin mitshe phudcessi denbabø, sheshes labbalā ḥa lamcugs. <sup>2</sup> I denbabøe khonjunla thamedpe mitshe yodkhanni lokhyel tanjanog, kabø tusgyun ṭanpo molkhanni Konchoggi jigsten dzaddi sañ sjunla zhalchad dzadte inpin. <sup>3</sup> Ta Idamma dzadkhanni tuspoeka, ḥe tshajmala chosshadces gyudte khonji i lonbo sjon cugte innog. Konchog ḥadañji skyabgonni ka salkhan nanzhinla, khonrañji phia i laspo ḥe lagga stadda dzads.

<sup>4</sup> Dadangunni tadpe nañja, ḥe denbe butsha tsogs inkhanni cespe spun, Titusla diad. Konchog yab tan ḥati skyabgon Mashika Yeshu nyiskoe khyoranja thugrje tan zhide salshig.

## **RiṭaÑi nañja Titussi zhabstoggun.**

**1:5 ne 16**

<sup>5</sup> Khyoranji ḥadañgunni lasgun ḫubcugces tan ḥe labzha nañzin, ḫonkhyer rere nañja uskyonjun skocessi gyuntshanboe phia, ḥe khyoran riṭaÑi nañja borpin. <sup>6</sup> Uskyonjun skyonmed tan khoranji nama nyampo idshescan yonjos. Yan khonji ḫugugun tadtacan, yañ scodlam ḥanpa tan khaminyan yodkhanni skyon maphogkhan rig yonjos. <sup>7</sup> Konchoggi chaglasgun uskyonjunni lagga stad pasarj, khonji mitshebo skyonmedkhanzhig yonjos. Khoj phosocan ya ḥodurcan, khoj

char manpo thuñkhan, şoe nañja nodskyalkhan ya pene phia dodpacan yoŋ magos.

<sup>8</sup> Thadpo nyampo khoe khanpa yoñkhangunla gasus zhukhan, yaŋ zaŋpo lasgunla khoe cespa cogos. Khoe mitshebo shesrabssi nañja phudgos, yaŋ thagcadgun chogris medpa cogos. Khoe mitshebo dampa taŋ ransems cunte bornyankhanzhig yoŋgos. <sup>9</sup> Labkhanni idshescanni lonnika khoa maşanṭe tadpa yoŋgos, tene khoe zhanmagunla denbe labzha nyampo spospa skyecug nyanin, yaŋ teboe gyabgal cokhangunla norte inkhanbo stan thubin.

<sup>10</sup> Dolog cokhanni mi manpozhig yodte innog, kagun phanmithogssi spere nañja ñeste zhanmagunla gobskorrad, migsalli tharpa thobcesla, butshagunla sunnad<sup>a</sup> cogos zerkhangun. <sup>11</sup> Khyoranji khonjgunla tetsoġs zerceses ghagogos, ciazerna khonjgunni zusme labzhagunni, nañtshaŋs gaŋpo denbe labzhagunne thagrinja thidte khyerranog. Yaŋ khonjgunni tebo khorangunni phanthogssi phia coanog. <sup>12</sup> Ibo ni, khorangunni ṭone lunstonpa ciŋgi, "Ritapagun zunjan, khyi tsogs taŋ laſmilam ḳodnabscan" zerste innog. <sup>13</sup> Khoe zeruhanbo taŋpo inpa, tadpe nañja stanpo lusshessi phia, khyoranji tetsoġssi spungunla maşanṭe khaskyete skyongos. <sup>14</sup> Khonjgunni, Yahudape zusme ruŋs taŋ taŋpoa gyab logste chakhangunni kagunla nyan magos.

<sup>15</sup> Sems lagmo yodkhangunni phia citshaŋma stsaŋma innog. Innaŋ snyinŋji nañja stsaŋma medkhan taŋ, Yesuika tadpa macokhangunni phia cishiggaj stsaŋma medpa innog, ciazerna khonjgunni samtshul taŋ sems gun ḷanpa yodte innog. <sup>16</sup> Tetsogssi migunni zerranog, khonjgunni Konchog shessad. Innaŋ khonjgunni lasgun co tshulla stana, Konchoggi stiŋraŋne mađulkhanbo, shesdug. Khonjgun naphradcan taŋ khaminyan yaŋ khonjgunla caŋ las zaŋpo conyanna manog.

### Denbe labzha.

#### 2:1 ne 15

**2** <sup>1</sup> Innaŋ khyoranji denbe labzha nařzhinla labgos. <sup>2</sup> Lo ḷabci saj manja chakhanni butshagunla ransems cunes, stsiwe ospacan gyurces taŋ mitshebo shesrabschanzhig phudcespo lob. Khonjgunni tadpabo Konchoggi denbeka stanpo yan cespa taŋ zodpa nyiskoe gaŋste yoŋgos.

<sup>3</sup> Tenna tsogsla lo ḷabci saj manja chakhanni bumogunla, Konchogga stsiwa khyonkhanni mitshezhig phudces lob. Khonjgun zhanmagunni scodpe skorla ḷanpa zeruhan, ya char manpo thuñkhanzhig yoŋ magos. Innaŋ khonjgunni zaŋpo inkhanbo zhanmagunla labgoshes innog. <sup>4</sup> Te bumogunni bumo nachunjunla ranji magpa taŋ tugu gunla, camspa cocessi nañja spospa taŋgos. <sup>5</sup> Matshad khonjgun ransems cunnyankhan taŋ sems lagmo, nañtshaŋssi stastog coces, las zaŋpo coces, yaŋ ranđaŋraŋ khorangunni magpe waŋji yogga borces gun labgos. Tene Konchoggi ka, suzhiggiaŋ ḷanpa zer minyan.

<sup>a</sup>1:10 sunnaddi tonbo ni butshe she kane pagspa cadte stags cocespo innog.

<sup>6</sup> Tenna tsogsla khyogtoñgunnar, rāñsems cunte borcesla spospa ton. <sup>7</sup> Yañ khyoranjñi las zañpogun coste khongunni phia spezhig gyurgos. Khyoranjñi labzhabo tanpo tan semssi thilne yonkhanbo ston. <sup>8</sup> Khyoranjñi labkhanboa skyonrjod miyoncessi phia, denbabo lob. Tene ñadangunla gyabgal cokhangun thelba sonþe ñadangunla cañ ñarpa zer minyan.

<sup>9</sup> Tadpacan tsheyogganni tusgyun khoranġunni, sponboe khanyante khongun thadcugcesla stsondus coshig. Khongunla lanlog matarshig, <sup>10</sup> ya šku mašku, innaj khoranġun cisathogne idshescan tanzañpo inkhanbo stangos. Tene khongunla Konchog ñadangunni skyabgonni labzha hagocessi dodpa skyecugin.

<sup>11</sup> Mitshañmala tharpe lam salla dzadte Konchoggi khoranġnji thugrjebo sñon cugga dzads. <sup>12</sup> Yañ ñadangunla "Danpe mitshe phudces tañ, sdigpe dodpagunla gyabgyurgos" zerte shadda dzads. Dadangunni i jigsten ñarpa nañja rāñsems cunnyankhan, tanpo tan, Konchoggi lammika ȳulkhanni mitshezhib phudgoshes innog. <sup>13</sup> Itsogssi mitshe phud zane, rewa nyampo ñadangunni kunwar Konchog tan skyabgon Yesu mashike zirrid sñoncescanni te halasshessi zhagpoua ūnjin. <sup>14</sup> Dadangun stsañma coces tañ sdigpe rigs tshañmane tharcugces matshad, snyiñje las zañpo cocesla rijsin yodkhanni khoranġnji migun cocessi phia khoranġi khoranġnji şogpo salla dzads.

<sup>15</sup> Khyoranjñi tegun, tadpacangunla labste laglenni nañja khyoncessla spospa ton. Khoranġunni i labzhagunni gyabgal co zane, khyoranjña khongunla spospa tanste skyoncessi wančha yodte innog. Khyoranjñi labkhangunla suzhiggan nañmed co macug.

### Заñpo inkhangun cos.

#### 3:1 ne 11

**3** <sup>1</sup> Tadpacangunla khoranġun wanşulpa tan war yodkhangunni lagga stadces, khanyances, tañ tusgyun las zañpo cocessi nañja ȳaldig coste dugcesla, idtu skul. <sup>2</sup> Khoranġunni zhanme scodpe skorla ñarpa mazerra, dzirimo tancesne thagrinya duggos. Innaj khongun zhanme ghosdomgung samkhan yan denbe pasmo inkhanbo tshañmala stankhan rig yongos.

<sup>3</sup> Tusshigga ñadangunnar samba medkhan tan khaminyan rig yodpin. Zhanmagunni ñadangun lam norsika thids, yan dodpa ñarpa mañpozhig tañ, jigstenni skyidpogunni tsheyog gyur. Dadangunni mitsheboe nañja ñarpa tan tshigces ganste, zhanmagunni ñadangunla naphrad yan ñadangunnian cig tan ciiga naphrad coadpin.

<sup>4</sup> Innaj "Konchog ñadanjñi skyabgonni thugrje tañ

Cespa gun sñonna dzaddadan, <sup>5</sup> khoranġi ñadangun skyobba dzads.

Tebo ñadangunni las tanpo cocespoe zhaste manpa, khoranġi snyiñrjee zhaste innog.

Khoranġi ñadanjñi sdigpagun thua dzads, yan dampe thugnyid gyudte Dadangun yañskyar skyeste, mitshe somazhig sals.

<sup>6</sup> Yesu Mashika ñadangunni skyabgon gyudte dampe thugnyidbo

Khoṇjī snyiṇ pheste ḡadāṅgunika lugga dzads.<sup>7</sup> Khoṇjī thugrje zhaste  
Dādāṅgun tarpo thea dzads pasaṇ, ḡadāṅgunla Konchoggi ṭugu gyurte  
Thamedpe mitshe thobcessi rewa yodte innog."

<sup>8</sup> Te zhaltagun denbe labzha innog, yan ne dodpa ni, tadpacan tshajme tuspo  
las zarpo cocessi naṇja phudcessi phia, khyoranjī te labzhagun khōngunni  
naṇja yongoshespo tantan cocespo in. Te labzhagun tshajme phia zaṇpo tar  
phanthogscanzhig innog.

<sup>9</sup> Khyoraj khōngunni mirgyuddi miñthoe skorla samba medkhanni ḡabssi naṇja  
mañes, ya Yahudape thimsgun şuñcessi skorla, dziñmo tar nol manol. Tegunni  
phanmithogs tar tus godla chaces mane cañ manog.<sup>10</sup> Kaltes migunni khyoranjūn  
pheces cona, Idamzhag tonshig yan lan nyispan, teboe stijne kaltes sems  
magyurna, khōngun nyampo ḡel maborshig.<sup>11</sup> Tetsogssi migun Konchoggi denba  
gyablogkhan yan khorangunni sdigpe khorangunla skyon kallanog.

### **Stinjuggi labzha tar ju.**

#### **3:12 ne 15**

<sup>12</sup> De spun, Artimis ya Tikhikus nyiskoe naṇje cipo khyoranjika kallacig, Nikopolis  
gyalse naṇja khyoraj ḡaa thugga yoñcessi stsondus cos, ciazerna ḡa teru ghunla  
dugces thagcadte in.<sup>13</sup> De spun wakyil Zenas yaṇ spun Apolos gun besla chaceSSI  
naṇja khyoranjī cisathogne rogs cocessi stsondus cos. Khorangunla ghosdom  
yodkhan tshajma tarste dugga Itos.<sup>14</sup> Dadanji spungunni zhanma tadpacangunni  
denbe ghosdomgun rigste khorangunni tuspo las zaṇpo cocessi naṇja phudces  
lobgos. Tene khōngunni, tonmeddi mitshezhig miphud.

<sup>15</sup> Iru yodkhan tshajme ju zhurug. Juju teru yodkhanni tadpacan, ḡadāṅgunla  
cespa cokhangunla ḡe chogsne ju zhus.

Konchoggi thugrjebo khyozhaa tshajmala salshig..